


卷一

香草堂詩鈔卷三

武進

胡香昊



芷園先生王嗣衍閱定

山陰孫

讜椒圃氏選

庚辰元日

風光詩思兩清新花月春秋領素臣蒲質尙然齊丙子

同庚者
數人

椒盤依舊媚庚辰香林及第誰先覺

謂在衡
酒

國加銜我秉鈞又况餘年粗識字許溫殘卷列堯民

在衡有人日風雨見懷之作依韻奉答

較晴無計破天慳茅屋含春且萬間戴勝兒童方鬪健
凍梅風雨任投艱未甘遲暮回三舍小隔清齋舉八關
珍重花前詩思發憑將玉斧劃雲頑

香草堂詩集卷三
一
禱叔有攜酒孫氏放園梅花之訂連雨不止招
同人看齋中盆梅仲衡又出名酒偕翔念匡九
卜夜起韻二首

平臺賓客念同羣東郭行厨策酒勳幾日空牕惟聽雨
一盆幽樹欲生雲牢籠春事憑三雅撰搗詩篇計五君
卻月凌風原易地放翁身又放園分

溪頭舴艋罷拖烟送客畱髡促一筵竟徒羅浮歸斗室
重開若下鬪航船華燈有意爭芳宴金谷無人掃舊緣
待得晴空借坦步此生何事不花邊

翔念雅集同人以連歲花時不在家便約排日
看梅壺觴相繼少選又有燕山之行也

上客裁詩老建安擅場思借酒杯寬花間洪偃尋威輦
灰裏陰何撥懶殘轉眼丁香愁墊結及時蝴蝶共成團
南朝宮體西牕燭分付東風護曉寒

翔念招叔魚不至重置酒

王褒僮約未須申殷羨郵書每悞人畫綠再拈旋蟻磨
曉紅初放賞烏輪真嫌久雨疑長夜已被新晴報仲春
焉得阮家錢不斷摩娑桃竹問千緡

玉川招集同人約用李義山二月二日江上行
韻歸塗過仲衡禱叔同看社燈重飲卽事

不讓輕衫一字行

起用香山二
月二日句

漆園瓶裏聽銀笙護花

旛結當杯願拾薺盤生踏草情人在濠梁恣駘蕩詩追

成紀淡經營長城物論齊多少消得流鶯送好聲

古度以施註東坡詩集見貽用君家誠齋先生

謝福建茶使送東坡集韻志謝

佳刻入手珍隋珠不羨十斛來名姝誠齋愛此新冊無
秋鴻雪繭他焉如宋雕朱戶矜藏書何必移時飽蠹魚
毋丘開雕幾時遂寒牕遍贈方軒渠楊雲特地起我嬾
把卷奚翅肉食晚今春歷劫汨細醉近日繙書遂疎簡
已將范麥仿連舟隨頌施註開雙眼鯉庭詩學紛棠花
我臨定本曾塗鴉愛陶飽飢供細看對蘇有酒刪長嗟
都門二三知眉山書亦比屋有未識朱黃誰好手道衣
已近寄酒資烏帽何踟躕一尊酌罷余三斗君家昆季盡工文拂紙

更逼三蘇真我來圓坐分阮益卯君遺此春空雲看花
尙駢五里霧坡仙詩豈尋常覩闌入涪翁共辦香吟餘
我欲凌風去牛腰膺載不關儂出語無情莫惱公能禁
玉局掀髯笑皎鏡東升掃碧空吾老猶存無恨拙寶茲
冰雪畱風骨何止英瑤愧錯刀張衡愁絕搔黃髮

舍章閣花朝燕集

春來此日最芳妍每歎豪門靳綺筵木末朱闌齊十二
杯心白髮照三千猶憐露井穿巢燕正好風絃颺紙鳶
抹撫舊人新雨句花前休憚酒如泉

江南春色有無邊穩上桃花裊一鞭健婦正刪高士傳
奇才爭擬帝都篇洞庭果氣三秋驗荳蔻年光二月偏

醉罷不須重折柳，可堪芳草又連天。

仲衡自金沙携酒見招，以齋期先二日走訂，且聞菀叔遠行暫歸，走筆先報賢昆仲。

不覺人情向牡丹，養花天氣獨醒難。故人報道于門過，名酒招同趙壁看。爲壓齋期先刻日，遄飛飲興欲驂鸞。生憐玉醖饒霜雪，抵得王喬贈一丸。

河干折盡柳條新，岐路春風悵麴塵。猶及禊堂聽史漢，恰逢歸騎緩咸秦。清尊永錫人難老，嘉樹無忘句有神。便展枯毫傳衍爽，環瀛裨海恣芳辰。

立堂看牡丹限姚黃二字

是處紅闌冒碧綃，草玄亭畔簇詞條。含情巫雨愁吟宋，入夢茗華擬姓姚。淡日輕陰無限賞，花新人舊不辭招。君家合有圍金瑞，我對狂香酌一瓢。無煩舊譜案歐陽，蕩漾晴絲媚景長。生怕回中收舞蝶，依然洛水獻明璫。人從花底推厨顧，詩借杯傾壓紫黃。我是老疎開霧眼，依稀十里送荀香。

連飲在衡牡丹借惕關叔魚和韻二首

司春不改養花天，積雨微晴更騁妍。花事要添丁卯集，春工催費十千錢。莫嫌嗜味甘蔬食，不如葷但擬將身近

酒邊。君號晚菘偏耐久，不須秋末自相鮮。

按圖誰處覓羣芳，我欲巾車向洛陽。錦砌有人隨醉醒，銅山無地別閒忙。料量舊雨甘同命，憑仗清尊爲洗粧。

知道選官輸選佛懸知我愛選花場

在衡奉佛

借楊誠齋淡紫牡丹韻

如菊人拖半臂綃司勳彷彿見嬌嬈層樓定壓茶蘼架
微暈重憐苴蔻梢小着迴風齊帶瑳獨承清露最含妖
何曾絳蠟燒金谷莫向西崑遡石苞

鹿田置酒乘萬花前限青蓮二字

重向關西倒玉瓶殿春花徑不宜醒才人對照駟軍紫
天女同叅捧帝青穀雨詩篇寧隔日桃花箋紙若流星
杜陵欲敵沉香調彷彿虬仙降蔡經

大阮深情小阮連酒人長想竹林眠三春瑞鹿聊銜韭
六月遊魚始戲蓮何事尊前轅下馬賞心杯底杖頭錢

撤除壁障開青眼的是東平太守賢

看汪氏牡丹有述

錄事均平妙入微阮家名飲是耶非括香左紫圍金屋
啟事姚黃讓布衣累日酒傾何地好一城花遜此間稀
不知清露承盤後獨對中庭月色肥

夜熱一首和雲襄韻

露坐無清風如午褰襪擾仰瞻清虛府卽事欲陳表暗
樹聒繁蟬怪爾乏憂悄晚霞如野燒百慮及棲鳥老骨
已少眠短夜何時曉彼哉蚊與蚋合有扶曦掃

庚辰七夕蓼庭齋中舉瓶花會

一尊誰道不宜秋容易良辰借女牛吾友華星常映帶

香齋詩集卷三
五
此堂新月正勾留清商半部原繁會銀漢三更欲倒流
莫笑瓶花藏北杏含靈鳥鵲在橋頭

若猷招集春曉閣看桂步古度韻

觀荷纔幾日花事詎可了老桂發奇香折簡在秋曉夙
昔賦詩人健翻何矯矯文孫勤掃徑更益巖壑好日射
丹黃深水木恣回抱冰輪猶未上過盡歸巢鳥女牆漾
蟾采玲瓏透林沼買我花深深對子月皎皎曉雲扶畫
棟飛閣盡般巧閣名春曉前
有名曰曉雲一鏡倏升空照盡烟嵐繞
是日左弧懸金爵詞源倒仲華肯笑人拜袞非縹緲
天喬木蔭歷歷在蓬島客興踞文楸我醉藉瑤草覽茲
君子光罷咏勞心悄招飲讀淮南不廢小山討花月白

恩深賤子不敢老終思閩河實乘風起長眺

陪周藉園廣文飲限螯字

不分左手弄霜螯頭沒杯中任老饕人對荀家占有蟹
客來公瑾本如醪疎狂必赴還吾輩脂韋偏工信若曹
便借浮槎泛秋色一房蓉菊在葡萄

若猷方平昆仲東臯菊飲張燈演劇卽事

會企劉伶字伯倫審音耽酒任天真紀羣往事猶今日
何米新聲憶舊人栢大雲林千里在陶公山色一杯親
辦香老向花姑拜奪得天工信有神

辛巳開正四日長慶菴茶話限窰字

青林紅寺舊時窰東郭雲烟此最饒游比陶公先一日

地疑何氏歷三橋清川雲漲堪移棹幽徑梅丸已拂梢
開歲風光好商略小巫吟興擬聯鑣

鹿田齋中竟日之飲

榮枯真不限相思此道今人棄若遺周顛正嫌三日醒
王融休訝八騶遲川原磊落新詩卷蝦菜縈迴舊酒卮
歎息故園誰暖眼天將五馬暫踟蹰

五月望前一日莊玉川拙存堂祀少陵先生限

浣花二字

巖公枉杜公行厨遂疎嬾維時亦仲夏草閣江聲滿漆
園屢高會復此花溪纘嬰鳴起簫鐘彷彿竹裏欵秩然
並萋苴保茲長燕衍雲浮錦繖涼風泛湘簾緩公平美

魏生何止秋雨但瓶艷幾朱榴酒拍一玉盃琵琶花下
人留箋散孤懣吾友脊修辭襟情重迤坦辨香爲君蒸
薇露爲君浣竹箭盡東南媿備妨胡笳

寒暑已八閱故人渺天涯

蘇服襦叔
翔念諸子

明禋每斷續懷古

一長嗟先生下東吳旁覽越女紗去灑泰伯淚來熾延

陵艦洗發古光焰抹倒新淫哇有懷圓沙翁

虞山湘
靈先生汗

漫乘星槎天風吹合并詩態相紛拏萬一感夢寐其浣
成都花感彼學語鳥攬睡聲楂楂開牕理卮言橘柚梨
與榼至味每相反姝暖何些些柴門企師表辭墀無蘭

閣

讀羣公作卽事有述再用浣花韻二首

有約戒逋詩寸心隨髮短撚髭猶未斷一日手數盟吾
儕幾眉宇不改舊精悍思方焦尾墟忽怯窺天管藻思
紛衆會觴來且無算憐得休文無毀亦延年罕啾龍駕
炎精苦乏佳亭館一滌肝肺邪結此冰雪伴冷然送餘
善衫蕉爾時祖氣真拓戶牖語要剪蠻蠻難消槐葉淘
盍就蓮花浣居然勝蒲博有具投陶侃

方外無已公隨意需茶瓜牽連得支許庶彼蓬中麻楊

子十載隔令清夢時要遮歸來情益親物外感蟲沙飲

不滿一蕉入坐興彌奢新篇何輪困烏闌發青霞江都

昔高會懷董漢求畫舸傳新芭合祀楚三閭午日備官衙竹

林失玉杯清淚時橫斜猶聽仲氏箎叔魚辨辨常之花翠

茗每二屨叔魚有翠茗詩舍二裁詩去纖瑕詩固不一

體人亦自成家

三和前韻二首

暑溽緬青林一黃流現晚頻緡清警什赤旱冰壺浣斯
人亦何有潑墨露誠宜淵明念羲皇諸葛過樂管古來
兩名士曠世無急趨借如嶠衍儔狗鼠成一狙所握匪
神奇類彼鷄掩卵眼前多結積復誤五石散聊爾懷其
新紛吾束稽程三章約魏顛母乃酌侯鄴薄醉偶緣情
自嗟瑟玉瓚韓公謂餘事曾彼宣尼纂

三伏驅襪襪小雅歌鱗魴地非河朔勝人較袁劉賒手
持東西玉詩紀南北垞相邀起林壑卽事呼麈麈援琴

泛蘭操運腕生荷花何哉二三友對面吟蒼葭鳧令北行元功

青村之官通塞各順時昏衢任隆窳昔有顏特進留錢與陶

家我友賣賦金遠寄來京華亮功郵致酒資凝然念衰老客謂

將毋差一酌復一斟空天仰神媧良史屬少陵隨源溯

三巴

七月二十八日道柔學人於方太史宅招集同

人肇祀東坡先生蓋宅即先生寓館而是日為

先生騎箕之辰自宋迄今六百年矣述事二首

限眉山二字

海外歸棲又一枝生還偶遂乞居私人從傳說占騎尾

公與靈均任詠眉古樹留香懷手澤清池浴硯盪文漪

卯君書報佳庭館新采薺花薦酒卮時分咏洗硯池香

與子由書云近借孫氏宅極佳

平羌魚笋並班班此地蒸嘗歲不刪冬日再吹南鶴曲

秋風長汜白雲灣蘇門弟子推陪祀蜀郡泉源溯辨姦

秉筆不須誅既往翻因章蔡仰眉山

悼香海棠

在硯池旁康熙初尚存為隣家竈火偏根而死

硯池旁有蜀花鮮四十年前復紫綿坡公在時花不見

坡公去後花嫣然昔公居常始仲夏尻輿已向初秋駕

不知移植定何時梅花豫倩東風嫁昌州奇絕更嘉州

故國離來幾十秋公言鴻鵠能銜子對此會看睡足不

分牕花朵紅雲映筆蘸清池恣歌詠五百餘年任去來

燒根煞恨厨烟橫花悵先生早御風月轉迴廊香霧空
何妨南國甘棠比難道東陽枯樹同此花後死公倉猝
只恐花時聞歎息定惠東邊捫腹人黃州尙有三寒食

次韻鳧令送錢元功之惠安

人倫師表不易覲攸歸大雅駢邪讒昔交鴈序始季弟
箴吹仲氏聽和誠季倡仲和每念我喉吻有吐占胸咸
咸其晦本君家韓鄂敦行誼一塵拂蝻標羣麤不辭塵
陸農師注中踏紅軟別有味外調酸鹹馬融絳帳設帝里小侯就
學無儘儗內府穀食夥脩脛東方米索嫌饑饉天將翼
數報屈蠖龍伸閩海拋藍衫歷歷島嶼濫胸臆奇境最
着天開巖考亭西山宦蹟在化民有道緡陳函研精易

象遡家學茲焉刊布休高緘羣黎登春樂萬井多士競
秀呈千岳豈偷俗吏點琴鶴時出高咏凌松杉移風定
致銷燕語小有赴愬羞呢喃養成萬弩蓄微氣鉏強植
弱天所監史書會補文學傳政譜好發春秋凡刺桐城
頭歧仙令勸駕早峭東南帆野人流涎在荔子自笑劇
藥無犁鏡隨風老眼看報政貽我諫果高薇銜

和沈有庵舟中韻

不放紅輪過幾竿尋春與竹共平安恰逢莘老詩腸潤
敢憚休文韻脚難七葉杏花真得氣
沈有飽帆風一簾帶杏花寒句
鶯語却餘寒繁枝嫩蘂方撩亂應共幽人仔細看

蓼庭元復堂玉蘭讌集卽事口占二律

瑤英一夜滿高枝野老憐春敢後期杜牧年光懷荳蔻
少陵詩思屬辛夷開襟久薄浮雲態把臂無殊入竹時
擬辦徵求在名釀誰言痛飲不吾師

是誰纔蕩掃梅裙遠杏輕明鬪綺紋羸女丹成初轉雪

彭籛老去尙餐雲卽期藍尾連三日上巳更快青鞵張

去聲一軍我有頭銜雄酒國萬花叢裡策微勳

鷹若世兄省覲廬州卽呈藉園先生

舍北池南二月春城隅風景最情親阮家兄弟尊墨適
舒國山川夢寐頻一葉舟憐雙槳健滿筐茶渴六安新
趨庭爲報東村叟依舊當筵嗜酒人

輓蔣聲遠

綠楊深處一書樓幾度憑闌作勝遊郭外漁舸招左手
尊前蟾采上東頭常思謝傅陶絲竹忽向莊生歎壑舟
回首蒲觴纔昨日夜臺何事急徵求

鷄冠畫扇和鷄字韻

扇上花分魯蜀鷄切雲冠聳色離迷桃都每訝平明見
玉樹虛傳五夜啼聞道當臆能共語幾因于桀笑雙棲
尋常欲競西風錦鳳來矯首丹楓不肯低

壬午九月朔展舊榻元祐黨碑是日乃溫公騎

箕辰也述事一首

法書漫考宣和譜鍾王遺跡徒相詡請看潭州用意奇
英賢歷歷垂寰宇端禮門前二丈餘昏侯書罷太師書

君臣際會有如此毒流五國源荆舒彗掃長天虛避殿
 嘆何及矣劉逵諫徒然夜半遣黃門星星碎石懸天畔
 六百年餘直至今此碑傳本杳難尋倪公一見曾珍惜
 倪鴻寶先生有題元祐黨碑後紳笏茲堂儼若臨涑水伊川炳星日史
 冊無聞十之七藉此流傳碧落新天公巧借宵壬筆思
 將五色鍊貞珉溫公遜數至安民有美一人三百十却
 似蘇黃自署真瓣香肅禮看名姓蕙肴椒酒羣生敬約
 略平生可共言雲旂彷彿來花徑歎息官家別用人社
 飯思量一老身九年堯舜淒涼語往事重提酒再巡

龔尚津居仁堂講會

人懷伊呂間樂會堯箴奏論世復居仁講席抗文圍嗟

三昧四聖把卷愧誼譎瑯琊先生有七日來復說不敢問庖犧垂老

重句讀餘情及馬杜體要遂所扣詩史謂微探謗書亦

精究一洗面目憎無虛此清畫尚津覈名實晚歲叠既

邁流匙勸加餐盈觴寫雙醵真率秉前賢連枝歲寒茂

慨焉念居諸磨鈍思冶鑄叶中庭玉樹高佳時許頻就

蠟梅 居仁會題

金波染就蜜為糧故着中央稱道粧屈指寒姿標絕品
 關情通體蘊奇香猶憐漢苑新塗額終讓涪州舊擅場
 嚼蠟橫陳全未信檀心相對潑鷺黃

天竹

配與松梅結晚懽纍纍朱粒上闌干不如紅豆相思甚

一任丹砂狡獪般羸女引來呈鳳食王喬逢着傲仙丸
香塵欲借凌波步壅得莊椿歲歲看

天竹一名大椿壅以鞋底泥最盛

雲襄草堂新成奉和原韻三首便爲十月七日

六十誕辰之祝

逍遙仙館碧漪斜瓦渡橋東著述家選石對傾名士酒
洗桐兼蔭美人花常嫌夏屋無三徑忽向春洲占一涯
翻倖良工施狡獪南華丘壑勝東華

工人估値所費倍之

晚計輸君遂草堂重排甲子恣徜徉衆山絃嚮開琴匣
一硯松霏繞筆牀膝上抱孫新割味庭中相鶴委分糧
先生三耳從增減莫向方書鎮日忙

先生病耳多方診治

過眼雲烟共惘然一回相見倍相憐關心風月來花下

不脛珠璣到日邊小阮郵筒千里駕

蓀服飛書倡和

迂辛藍尾

七條絃長年我媿鯤鵬義旨藉南陽舊菊泉

銷寒雜咏 選六

簷日

且着黃綿襖徐營綠蟻尊一寒摧老嬾初旭贈奇溫曝
菜能兼美扶花是特恩蒟蒻如可采柴積有乾坤

竹爐

茅屋無山水爐存簡易風匡牀惟我在墻戶與君同送
炭拋天外留香試粵東竹皮寒翠好不嗅菜花銅

炙硯

池滴頽於石天將廢此田微溫養蕉葉漸液潤松烟且

罷呵僵管殊勝曬破甌良工施既濟乘興一鋪箋

自斟壺

雅意畱觴政携來細細傾苦辭僮僕盛親炙聖人清味
借長房脯形同子晉笙此中容大易無量亦分明易重

水菜

白菜為冬蓄加餐每藉渠灌河成異味下酒得良儲制
字松堪擬克盤玉不如清齋配幽菽兼愛過熊魚

朱橘

朱橘渾金鑄天鷄報海毬封題三百顆飽啖洞庭秋甘
嚙妃唇美香丸女手柔中宵捫枕畔脾蜜潤詩喉

壬午除夕借初學集韻

物情微驗歲云除我是清江不餌漁尚熟黃梁分夢覺
小儲紅友話親疎誦椒簾閣孤吟後爆竹兒童感事初
不盡雲山罷振觸加餐非為剖魚書

癸未元旦用牧翁韻

週甲今開第八正犁眉洗眼自更生許因梅柳稱先達
合與尊彝共晚成花徑草深原不俗竹爐泉沸有餘清
放翁萬首知難敵但擬將心舉太平放翁有心太平庵

白髮蒼顏又拜正不煩頻噓慰吾生人因屬望占高第
謂亮功菘服益公諸君子詩為緣情冀小成受粟事憐同北郭倚樓

人已隔西清行年莫厭波瀾闊未必餘齡任子平星家言子
水泛汜又云水歸冬
旺生平樂事無憂

三月二十日蓼庭筵上送春之作

底急偏先十日行問春春只自分明朱圖罷建從風雨
紅藥新翻有送迎帶葉梨花相與恨含櫻黃鳥為誰情
東平欲命尋踪駕且向芳筵倒百觥

四月望飲鳧令停鴻水榭喜臯聞歸自惠安

麥風騷屑水雲隈小住征鞍再舉杯冀北客拋盧橘熟
閩南人飽荔枝來一時聚首橫聯斗不厭懽聲動若雷
稱意索郎須對把最無憑是尺書裁

燕谷月舫之招借若營道柔秋菘用千壺二字
為韻以舫中有笄江上擁書千卷有酒一壺聯
句也

有約晨趨敢後先入門香韻勝湘絃開襟客比月三五
回味茶勝酒十千竹與桐花風競爽書歸松子閣爭妍
主人精于書法吾廬忘却嚴城隔半榻羲皇願息肩

携手何人共雅途柴扉晚計遂良圖君辭大厦重量笏
我羨神仙欲擊壺莧美作羹噴赤玉
莧甚美予名之日赤玉羹橘

香浮盞寫紅酥
時飲橘酒頻來且莫嘲程曉許上松枝當塵

無

道柔東軒觀荷說餅之作

元龍小湖海綽約秋蓬輕花生宅東偏主人擁書城冒
暑今再過不顧嘲熱程幸非襪襪客倚徙戀牕楹且掃
鼎鎗跡累以茗薜精餅香荷香敵照字十字橫嗟予媿

廣微南陔補歌賡且說噓鳩麥薄持何輕明千春抵一
飽方願傾身營今日樂復樂暫釋袁劉觥顧曲有餘韻
賞以高柳鶯本是餐霞者哺餒風流生人生不可常汝
南費閒評但得周行示鼓簧復吹笙會合良匪易紀此
穎上行

釘鞵生日

諺言九月十三晴釘鞵挂斷繩占書亦謂是日晴主冬晴柴賤故有釘鞵

生之語老人感彼蒼之賜戲成二律一二同好听然和之

爭將雨具驗冬晴旬又加三菊候生名士每於高閣束
散材如借曲轅成波紋遠蹙從縣置蠟澤兼施任豫營
配取黛眉紅錦並雙尖儘上畫屏行
布鞵青鞋替汝身全無泥水汚油皴物疑棄置同張蓋

人為高閒每拂塵做絮生情還炙背寒厨無慮續樵薪
胡繩纏纏常相屬憶爾頻澆酒數巡

離騷注胡繩香草

莊孝廉蓀服將行酒邊述事四首

咏罷三秋又九秋帝城春色尚淹畱高文始並雲門奏
雅望終期閨苑遊竹篠齋頭飛酒琰杏花風裏上歸舟
思親念友非無謂博取人間第一流

與蓀服別九年矣往借二三知舊彙

寄酒資

久憐身世太支離苦憶棠顛無見期晨夕素心成獨往
海山高蹈尚相思浣花客到循前例相馬人歸歎後時
為向詩魂悲喜集嘔心篇已慰連眉

叔魚自署海棠顛向借蓀服定浣花

例最善

徑翳蒿萊客罷尋偶因酒熟就花林
老衰不稱華軒過
懷袖重驚畫贊吟到日清言微屑玉
臨風揮手且囊琴

相思不為榮枯限更藉韓雲遍舊岑
趙翰編東歸天慙
孝廉贈行筵上齒

及於子翰編過毘陵謬辱左顧予鄉行未得
走謁蓀服歸詳言之結語藉致亮功翰編

雅瑟絃清動紫宸辭家重整讀書身
厄言傾坐銷三伏

秋水連天送一人此老荒唐期後會
有書珍重問長貧

五陵裘馬遺餘力煖眼深杯不記巡
雅琴二
十三絃

讀芝田先生淮上送蓀服圖雲詩再疊前韻

居人遠夢不宜秋淮海燕山有去留
沉着詩篇宮徵嚼
盤跚身世淖泥遊一城無地張融屋
萬斛乘風傳說舟
不及西窗同剪燭翻宜杭葦限河流

衰柳何堪縮別離竿程頻向少年期
青霄有徑隨聯步

銀鬢無端繫百思巷入苔花知小憇
先生淮上
閣連鴻

影憶當時
連峽內語蓋望先生之至止也余時鴈采其

下最久清尊
語直前日事耳重看二妙垂雲翼一士東方借察眉

彌信深杯耐討尋掃除得失漫成林
夙欽徵士餘情語

獨向先生擬醉吟
先生深于酒非
漫擬白傅也棣萼遺編新授梓
青

村茂宰已刻
觀察公詩荆溪老友尙張琴
近歲晤
星客燈前軟語黃花

解猶有高雲念故岑

志就河渠達九宸象環來自獨賢身
禁當異地花糕會

騷屑空尊白髮人左手持螯供客傲
先生有霜蟹堆
盤未是貧語右

軍貽帖念居貧
蓀服欲為余營一禦寒具資
斧告竭貽右軍舊榻付質庫思量後會

無窮達何計如淮日百巡

癸未六十八初度蓼庭為余置酒延賓有詩二

律即步原韻誌謝并乞同人贈言

癡黠由人自覺顛雨雲翻覆酒依然客嘲望七成何事
我玩連三假數年飽看謝塵驚一老虛從弱水問羣仙
清尊大呂相宣處抵得紅妝四十絃

杜陵飲罷漫愁歸白老淋漓酒污衣交比舊松斟琥珀

詩流新露浣薔薇客乘紅影三竿早余不能晚飲諸公

歸以此為常花報黃香數朶肥珍重今年當此日蘭根菖葉

話天機前冬至二日

香草堂詩鈔卷三終

香草堂詩鈔卷四

武進 胡香昊

芷園先生王嗣衍閱定 山陰孫 讜椒圃氏選

甲申元旦

餞鵬方當夜嚮晨除夜亥時立春小梁清已報司春字疑城杞

人書亥盤得吟椒女試辛弄粉庭梅催放眼含姿烟柳

欲隨身癡頑老大天公在未必韶光靳隱淪

蒲東歲四日蓼庭元復堂作

逾三未五月垂弓特借絲簧韻晚風一卷奇書繙研北
廣場名手寫蒲東典型競說樊家在水墨疑傳李氏工
我有銀輪長皎皎待君清醕叶焦桐

人日古度立堂讌集

重精圖罷始逢人人獸平分驗此身下箸要薰薑桂氣
食錫思比漆膠親卽隨年例猶行古况復交情不厭頻
坐上白頭俱不易勝金還敵鬢毛銀

穀日口占

稱意杯行第幾家野夫因穀玩年華佳辰恍入天台賦
良醞勝簪學士花偶爲占書陳雅頌須從誕降辨禾麻
平原厭次人知否上八風光未校差

士尊復還舊宅與諸弟飲梅下示詩二首奉和

常言故里似天涯况復村城各歲華入坐鴈鴻新接翼

問名楊柳認還家

虞山錢湘靈師贈士尊詩有楊柳春條雙借姓之句蓋用楊惲柳惲二名

也他時特記韓公錦此日先調傅相花嘉樹有人封植

在甘棠重賦未云賒

繁花嫩菜倍葱芊堂構依然待仔肩有酒共擎完璧手

傾囊齊選賣文錢雲灣水擊三千里壁上詩塵二十年

楊氏典宅時諸子贈詩猶在中多存歿之感

俱是老人重豁目巡簷風景又

花前

士尊臯聞昆仲秋菘蓼庭頻招讌集偕靖元常

昭作二月看花詩限三春平分四韻

萬花一老舊愚憨便借頭銜我自堪荳蔻年光期十二

士尊花朝之約

木蘭風信漸重三

木蘭爲春分第三候

西莊給事柴門鎖

中岳真人羽駕參

五岳圖中岳神姓惲

猶有慇懃文酒在不將心

計問何哉

兩家玉樹競芳春流轉深尊次第陳恍度瑤天笙鶴近

思餐雲母畫屏新山茶可許銷連飲蜀茶甚盛梔子相看有

夙因不道紅綾猶遜美薰天好手問家玲蓼庭環餅臯聞繼以玉蘭

七日煎餅謂之薰天富

魏家弟子侍將軍原始無從但策勳蓼庭招同人祀花神特借牲

牲增姍姍可無文字答網緼八千樹向何年種九十春

憐此日分是日春分為繼城南當日事兼葭祠祭有遺芬城南

吳孝廉蒹葭莊有神廟每于三月三日借友人祀之

緩春無策展良平許史頻招惜墮茵秋邵子看花餘半

醉淮王有術擅奇烹救碧桃莫鑄雲尖錯紅杏微寒雨

後盟雨中失賞碧桃花待到鼠姑消息近老夫生計在初晴

寒食

儼臨佳日勸為懽一笑相逢食未寒忌坂介子推事避人誰

及祿明湖歸客互加餐狎邪無分拋鷄卵爛醉何妨整

鵬冠長恨時流迷歲月柳吟花醉幾相拚

清明蓼庭元復堂海棠

憐春猶誤杏花烟嫩綠梅梢亞紫綿獨擅千秋工部賞

依然當日放翁顛燒燈合辦青油幕拍甕無煩白打錢

知否清明好天氣一城遊事幾先鞭

牡丹讌集同人限丹樓如霞四字

着意編年酌牡丹幾家芳砌尙雕闌棟花風近敲門賞

寂雨春深秉燭看溪為玉名推絕艷屋非金貯怯餘寒

懽悰駮駮非關酒不分驚香屬五官

誰家白傅昔曾遊贈李燒蘭幾倡酬白香山有看憚家牡丹贈李十二詩

秋樹弟兄分置酒士尊竹林賓主互司籌七織成雲錦

迤絲障薰透天衣卸怕油賽得姚黃非第一魏夫人自

結仙樓

為花新自做華居牕放清虛徑轉紆京洛遺風吟宋代

秋菘新葺書齋因懷令祖侍御可關西名繪檢齊書三園先生蓋洛中諸老最重牡丹

升清酒人何似十戶中人價未如富貴花矜真率會卯

橋聲價午橋初

石徑逶迤樹色佳中庭新卓紫雲車最憐酒泛神仙宅

不覺春生相國家四句謂七百葉中承墜露清平調裏

借催花連朝勝事兼櫻笋莫斯新篇刻燭誇

秋菘新葺書齋即名秋菘招同人讌集時牡丹

正開限本字二韻

菜根為味屬名流彷彿畦蔬遶舍秋不向空桑饗負俎

還兼早韭備常羞櫻珠飽藉金衣鳥花露香生白玉甌

一例斯干新位置書牀茶日儘優遊

愔開新艷鼠姑叢非閣非樓小草通右開匾得地且驅

千首濕當筵分裊一枝紅遨頭客到花爭向婪尾春深

酒又中為借農師談字義青松成操見周菘周菘見六朝詩

竹硯詩應周文邑之索

貧當受墨昔曾聞蕉白雞紅遜此君疎節成形偏合譜
虛心爲質助攻文胸藏玉版疑千敵銘待銀鈞奏八分
不羨銅臺遺瓦在輕裝隨地溢松雲

吳鳳逸招飲蕉菴

牕明几淨着詩豪彷彿芭蕉拂市囂擬倩王維重繪雪
欲闌懷素一濡毫清齋有約跣趺並修竹新停奏彈勞
莫爲髯蘇限銀葉綠天深處有吾曹

月舫爲烟谷作

陸居非屋故牽船一鏡當心印萬川濯足好垂釣子直
乘風宜聽櫂歌圓華牀茶竈眞同侶蓮葉蘆花也學禪
沒底籃中盛得住金波隨地可當筵

笠凌虛儘結廬狎鷗穿燕總相於醉中尊聖人無敵
典到詩豪氣未除薜荔回風成峭岸梧桐疎雨羨幽居
出他傳說舟忙甚皓魄當空總不如

古度舉煖鍋第一會

相逢都道歲崢嶸駒駝相招事鼎鑪一器當筵無失餽
五家陳饋罷稱鯖敵寒首誦黎祈美餘味兼搜骨董精
笑對清尊談旣濟梅花九九玩從橫

醃菜詩

製就園菹傲踏羊萬家人簇一城忙探囊豫爲需鹽計
入甕潛藏切玉香小雪未遑寧婦子寒厨難免質衣裳
椒姜雜點宜多少憶着蘆簾老孟光

甲申六十九賤辰

恭承拋擲又茲辰龍夔何心判屈伸抵地文章懲到漑
下簾身世擬嚴遵芄蘭悸帶無前日茅屋秋風有故人
洗得雙眸纖翳淨庭梅徐看隔年春

甲申除夕

又借今宵記小年故人心事日悠然生涯瓦注銷金注
寒緒黃綿當紫綿絕少一狐叨晏仲芝田惠裘資久慳
又為他用
雙兔饋坡仙盈盈帶水蓬萊隔不及村沽慰眼前
轟天竹爆走山魑塌地菘肥點絳椒微嗅青錢矜歷歲
高燒紅燭愛通宵隔年陳取桃花煮傳坐香拚栢葉澆
閱盡乘除惟耐老年年檢取舊詩瓢

乙酉元旦

浴硯書紅字取肥昨宵拋擲瘦年非閒參鄰位歌今有
老訝詩人說古稀玉燭調春隨世態金姑送喜驗天機
金陵顧虎邱推余望
七值天機星甚佳
梅英漸吐蘭芽茁又曳衣鶉抖擻

七十之秦乏五羊騎驢人許駐年芳小畱書味銷長曆
終拜經恩炷瓣香忠厚詩篇酬彼譖清真烟月恕余狂
餘齡只瞭看花眼銖兩從渠細較量

若猷方平侍芝田先生飲庭梅下鼻亦與焉疇

先生將有淮上之行主人具燒食辦豐饌名酒

不一種口占二律

開筵人是惜花人我對花枝意倍親
正撥晴絲浮碧盃
可採芳草碾丹輪即時酒在何妨
卯應候盤克又改辛
二月今朝逢二日三分春減一分春
玉蘭思占海棠先奈此冰姿照席妍
暖眼暫時還折柳
寫心無地怕題箋
黃河清亦尋常事
笑口開經七十年
魚豕擊鮮聊一快
老人何藉答羣賢

蓼庭招同羣公讌集梅下

元復堂前花滿枝
年年花下一陳詞
客言正好連旬飲
春到平分二月時
入坐不妨重疏栗
對人何必問蒸梨
凌風卻月依然在
只合微溫水部詩

茂實古度昆仲連設河鮑吳門徐亮直荆溪儲

禮執在坐紀事口占時徐儲有迎 鑾大篇

帖天鷓子兒童嬉畫長人困如輞
饑泥菱油徹滿市上
河鮑不借楊花肥華堂設鱸且分日
快意睥睨都官詩
團圓薄持斂明月絡索細切分銀絲
老饕拮据手口並
舖啜暇問風流誰高陽氏訝古蚪蚪
輟耕錄笑乾臙脂
徐儲同時競著作千七百字排珠璣
徐占排儲栢梁體俱百韻 蟲魚
細碎恐未屑要倩博物箋鯁鯁畫溪
初筵但蔬筍茂苑
隔日辭烹膾鮮魴欲敵腹腴美忍擲
雪乳西家施高文
典冊擬洛誦茫昧或被相如嗤高燒
絳蠟選盃尾隸事
累番窮書瓶菘臺犢萌雜點染永夕
細瀉清琉璃平安
無用報鼎婢雋永不憚呼漁師胡然
放箸且歛箸大雅

時亦深相疑假如索詩紀良會肯沿曾范重抽思豈乏
扁門採棘七不耐對客陳鴟夷極知郭璞醉飽失公等
但坐開雙頤吾家漁隱不解事便欲指摘眉山詞主人
又訂玉蘭飲映帶竹外桃花枝

玉蘭小飲

女郎綃剪輕明玉竟體幽蘭看不足行人昨夜六橋歸
庭葩有意三盃屬試燈衫向早春纔滿裙會又明朝倏
麗景融酥續續催人生合秉花前燭

三月三日憚園修禊偕武曾蓼庭借坡公上巳

携酒出遊二十韻

墟桃不放花如雨蕩漾尋春歷村塢淨掃閒堦竟日留

禊堂暫息兒童侮已日相期會在辰卯飲須防日亭午
碧蔬芳脆最憐予玉盞清空誰造汝競携堪抵十年釀
高歌直接杯杵舞寫曲惟追稽呂懽拂箋莫效陰何苦
金谷蘭亭蹟已陳秉簡贈芍誰爲主隣僧隔院送聲聞
遊女成蹊遞睂嫵一城不見祓除人吾徒愛日成風土
依然梗槩是名園何事蒼涼稱廢圃儵魚簇簇訝迎人
巢燕飛飛忻得所送目都歸楊柳枝叩門一訊桃花女
高論千秋慎勿卑仰天大笑誰能俯易主雖無白枳存
雄談尙可青梅煮柯丘海棠玉局看洛濱中漢司空語
最惜開筵近水涯相逢把袂矜天宇刻意吟春共擊銅
攄懷對飲須量鼓身世艱危象增氣薺花插鬢人何許

不及會家春眼成緼袍且賞猶華予

綱菴錢太史扈從便還珂里走筆二首

雲泥已分隔茲生此日扶藜聽珮聲何意鳳輝翔北闕
極知蟬冕映西清九宸闐闐瞻非遠一老柴荆繫不輕
獨向中天承沆瀣飛甘餘滲跂金莖

白頭青眼兩蒼茫的的高鴻有幾行無力烹雌年七十
空囊貰酒債尋常依光松棟連雲牖祝聖吳門更禹航
定得過家榮錦樹盤跚先上魏公堂

子月十二昊屆七十誕辰矣此生半落無可慰

懷值綱菴太史還朝口占二律麤具梗概冀借
蓀服孝廉代懇二三名鉅彙寄一冊犬馬增光

當有蕪音報謝也

早歲攜持硯作糧中更憑藉酒爲鄉浣花會主詩人爵

往借董叔魚輩舉浣花會祀少陵先生

香草堂虛學士章

久客江楚意中構一香草堂方

樓岡學士有文中用王元美葉文莊公萊竹堂記語至老未成

厚祿故交誠忍事長饑

老子尙餘狂鳩車竹馬兒童戲依舊頑癡十七強

聞道除詩盡強名

杜牧語

小畱書味在長城金荃老被華

蟲袞玉帶先分饗帝羹茅屋秋風生事少殘書下酒放
懷行葱奇賦乎相思否彷彿鐘鏞自太清

送綱菴太史後分賦二律次首屬蓀服孝廉

圖書萬卷碾征輪

載書甚富

太乙藜光賜第新尙許餘齡堪

跌宕重循欵語慰沉淪蒼生環堵闕高議老友綈袍異

昔人不負窮通原一致玉堂風範自還淳

報贈何緣仰帝京遣愁無事擬張衡柴門落日禁三載
馬首因風寄一聲紅杏春催爭放眼烏絲闌拂會題名
榮期忘意吾能老常對華星到曉明

真率會賦得麥隴風來餅餌香限八庚

野風騷屑送餘清四月田家麥候成飛雪豫憐新折字
縮葱仍效舊調羹紅綾餡憶徐寅賦玉珥形誇許慎擎
莫笑老饕虛料事南薰有意慰腸鳴

說文餅何字最佳

毘陵競渡記

四月黃梅水未生二十五六太從橫白雲渡口添新漲
通得環濠處處行

綵畫龍船半月強真龍幸處水嬉張只因未到天中節
且上雲車獨壇場

龍船過去載船來急漿飛梭上下開雖是船人供替換
大家乘興散天災

高裝甘蔗插葵榴鄉里兒童結勝遊銷得幾杯無味酒
主人西去客東流

牡丹頭做稱豪奢蘆柝棚低省事些我有離騷何處讀
米家船繫綠楊斜

划龍聲裏見划蓮楚事吳歌錯雜傳節後餘音猶嫋嫋
今年初七送龍船

蓼庭席上有悵某生返梁谿者

鶴花初亞海棠秋正值虛堂命酒儔
畫壁未拈紅豆句
采菱齊怨木蘭舟
誰言絲竹堪陶寫
合借尊彝共拍浮
我是廣場閒去住
不妨無事晉人愁

雲襄招集容燕齋中烟谷雷門奉軼限容字

探秋猶未藉支筇
劇喜莊椿傲健松
廿首詩兼黃菊看
新有詩二十首
直過長慶劍南
三升酒借翠斲容
不嫌醉醒參蠻觸
誰判行藏是鼠龍
曉暮紅襟吾酌汝
相思長得語懽悰

送蔣弱六先生秉鐸懷寧二首

如畫江山稱意行
丹楓黃菊兩厓迎
一時化雨飛蘭郡
十月春風到曉城
久已國門懸大業
卽看講席詔殊榮
桃花未許凡鱗上
尺木終教屬老成

繞屋蓮塘憶舊遊
竹蹊梅徑愧羊求
已占官舍符鱸集
又聽神京賦鹿呦
朔月未會千里隔
青雲俱向六經收
不才賸有稀齡乞
一首江花潤贅疣
子月幾辰祈
寄和拙信

賦贈錢汝允之燕省觀二首

綺齡風骨自清真
又注雲霄接翼新
栢氏朱門應有咏
謝家瓊樹本無塵
數峯文譽推華貴
兩葉交情及隱淪
便借詞條分柳色
擬垂青眼爲扶輪

侍省蘭陔藉口芬
玉堂毫采想遙分
重吟杜老萬間厦
時仰郇公五朶雲
薄俗膏油資一映
寸心珠玉有三薰
春光處處飛江藻
併待新篇日下聞

烟谷七十

愛月亭爲舫烟波一葉輕夾牕幽樹近開徑野雲生書
法工無敵詩篇叶盛鳴得朋皆世外伐木有同聲
爲跋城南路高齋占一林問奇常獨往長嘯得幽尋欲
耦康衢叟新成避俗吟同庚愧同覺遮莫判飛沉
但飽桃花餽逍遙駐大年軒牕真得地風月自無邊岸
幘迎朝爽扇扉趁午眠注莊排郭象獨玩大椿篇
紅竹黃梅候春開十月天公先飲朋酒我愧附羣仙與
佛同香積辭官勝小鮮堯年談丙子蒲柳亦隨肩

乙酉除夕

年瘦無花上錦純晚寒微緊驗烏薪閱人枉用興長嘆
守歲將開第八旬杯百雪傾雙玉注甌中塵拂二紅新

時餐紅蓮米

柴門小雨稀人跡更喜劉輿膩不親

錯刀銖兩肯浮沉歷歷苔岑此夜心

子月賤辰羣公惠好謹鏤心版不敢

注名公案又叅三十日編年寧乏短長吟磨春作摯虛還
往沮汝興歌一廢尋老瓦盆來餘日酒支春堅坐臘花
深

丙戌元日

吾生微玩知無涯歷境思將庶草誇酒向南陽疏菊水
詩吟東閣注梅花克盤應候孫挑薺浴硯餘閒自煮茶
諫果回甘兼一笑老耽飭味更交牙

十五日玉川畱飲限乾字

嫩晴微却杏花寒曳伴濠梁結舊歡連日雨刪千首濕

卽時盃覆衆星乾白雲蒼狗銷何在酒國詩幢建不難
更喜連枝誦佳句杜陵詩放酒懷寬

魯輝萼舒兄弟

蓼庭梅下有咏

滿庭螺岬黃公望一幅槎枒吳仲圭入坐已同丘壑置
把杯焉用阮稽齊微微酒暈丹砂轉脈脈香生蝶影迷
世外冰姿原狡獪年年二月醉如泥

丙戌四月四日玉川拙存堂續舉浣花會祀少

陵先生奉虞山錢湘靈先生倍祀鳧令叔魚亦

書名左右述事二首

新花重擬浣滄浪彷彿成都舊草堂得路繙書歸杜曲
明醴高會續濠梁百杯婪尾何辭醉四月遨頭亦稱狂

鐵市西南紀櫻笋抽豪齊拂古香姜

衣風淅淅自琴川二子雲龍集几筵一氣緗縑今宛在

寸心陶冶舊殷然南金東箭甘衰讓玉尺冰壺醒醉眠

三歎虞山三主爵澤魚滋味尙年年

虞山先生三主浣花爵有澤魚滋味

感常州句

時雨旣降友人酒茗之惠

柴門觀蒔正懷人裹箸提壺慰隱淪梅水清看魚眼沸
椒花香潑甕頭春生懽欲並商羊舞紀事隨將鸚鵡親
準待晴光勤報謝一甌容得太平民

送張鑄萬粵西之行

月朔正報梧桐秋洗杯合爲新涼謀懷人每歎夢魂隔

送客怕見雲山稠浮沉閭里廿餘載歷落嶸崎有誰在
最晚論心得柳亭紛紛把臂從前悔何事輕裝去粵西
高鴻的的厭卑棲故人欲借丹青手妙染出宋元之髓寫出湘
灘嶺嶠奇送君行飲君酒君是吾徒窮孟嘗可能暫作
馮驩否食有魚出乘車七十老翁如在念相思江上早
飛書省城南有相思江

送徐辛齋入都

溪南詩法嗣松圓二老風流敢拍肩去冬七十賤辰不謬以詩老相推不
惜青精施槁項誠憐鬢髮被華顛古諺心誠詞壇絳灌
河梁體月旦裴王典午年東郭柴門最騷屑煩公早晚
故人傳謂網菴編修蒸服吉十

魯城暑中酒肴之貽久未報謝

胡盧酒伴穀皮書不惜荊州枉秘儲竟愧一甌翻舊案
平分三篋慰空廬都鄉醇味今逢子孟氏清談實起予
有意朱絃調白雪野人重為惜居諸

魯城畱飲靜文堂野老貽水紅秋紗一盆偕雷
門同賦

小東門外種花翁北水關邊送一叢似是鍼神嫌太赤
故教織女渲輕紅籠詩已歎梧桐老繫臂惟銷琥珀濃
今日深尊太清綺秋衫偏逞著方空

中秋卽事尚屬魯城青苑

酒人晚愛蔗為霜對月深饜果餅香客任無情掃佳節

天偏有意放清光高門席罷金波穆一老杯擎玉宇良
今日詩成因顧曲誤他人世味炎涼

士尊招集同人時令弟臯聞有南和之行席上

畱別二首卽用原韻

每因情話引杯長雅令抽思翡翠牀入坐並聯棠棣美
征帆已逗木蘭香江峰鼓瑟原同調謂昆仲鐵石吟梅又

一方我自離家君自遠重將珠斛借才量

老羞麋鹿酒何悲北渡狼溝事亦宜送客丹楓方撼撼

畱人斑菊故遲遲是日訪菊劉氏邢州佐理翻歸集震川歷下聲

光掩杜詩于鱗俱是西牕商略在老人茫昧撚琴絲

寄龍眠江磊齋先生

問訊桐峰炯德星書堂琴鶴偃松青詩如健翮還程課

聞先生日課一詩學比猶龍尙注經忽對竹林談往事遠從棋

墅想芳型喜晤蒼臣山陰九萬何時辦一向先生爲乞靈

南陵程公瓚寓居城南趙氏小述奉贈

豪士能爲汗漫遊歲寒來比竹松幽酒人認作陳驚坐
地主忻逢趙倚樓一卷新吟存古處盈樽清醕盪時流
城南聯句推韓孟可敵南陵杜牧不

赴寂光菴之約借工部臘月一日韻三首

臘月朔逢霜日好城西北隅行可憐鴟夷已挂後車酒
舴艋遠却沿濠船如練土酥分佛座著黃綿襖戴堯天
相逢何止只三笑陶潛無事攢眉邊

已殘竹子九九赤更想梅英朵朵黃
厨裏清齋餉蘇晉
案頭小品得支郎閒來計校儒門淡
老去惟貪佛日長
思草靈花隨有在老夫無藉玉鳩將
何妨語笑拓禪扉已耐頻年歲事微
詩筆拋來從擊盃
酒痕深處昧傳衣持盃正好驅儼
易遊屐休令踏草稀
臘盡春來無恙在不因裘馬寸心違

香草堂詩鈔卷四終

香草堂詩鈔卷五

芷園先生王嗣衍閱定

山陰孫

讜椒圃氏選

丁亥元日二首

拋擲樗庸不自今歲臨疆圍驗天心殘書味在緣非淺
故友音疎感易深西北浮雲迷一鴈東南晴日抵千金
料量親舊椒花雨更覺宮壺耐細斟

飲芝用
宮諭酒

庭梅作意放春妍不信花時乏酒錢
餞臘詩防文字禁
傳生杯結喜懽緣葛囊松染濡長句

試程公
贊惠墨

玉合芝泥

漬小箋

陸叔承
印脂

彷彿柔荑歸自牧信天翁又遣新年

人日翔念白雲草堂舉浣花會便送主人之雲

陽卽限雲陽二字

虞山先師配食
鳧令叔魚從祀

草堂閒占碧溪雲
七日風光借半曛
詩似陰鏗堪對酒
客來籛老再論文
一時師友如匡坐
百里帆檣又惜羣
憶昨斜川情話在
陶公襟抱亦三薰
擬將何事答青陽
劍撥年衰盪急觴
送客老梅渾解事
縮人新柳易迴腸
南陔膳借魏毫潔
北闕書猶豹霧藏
莫靳雙魚談抵掌
杜陵休嘆尙書郎

青山莊看梅席上便送天石之新昌

落燈風緩早梅筵
遲日渾如二月天
酒伴競邀花一笑
歌孃不放柳三眠
青山迤邐舟行穩
錦瑟殷懃燕語連
入眼澄醪儘排日
白頭人悵欲迴船

故人踪跡又江湄
無計勾留問柳絲
且盡名園盈瓮酒
新翻盤古舊彈詞
高低石徑香迷蝶
深淺丹砂玉暈脂
我爲尊前有離別
久揀閒過好花時

二月二日蓼庭元復堂梅下舉浣花會便送常
昭之惠安時士尊往淮上謁高旻禪老卽用憚

送董韻

早春城北賦西征
人日翔念舉浣花
會便送之雲陽
舊雨重聯社日晴
石罅梅花紛弄影
笛中楊柳暗飛聲
玉杯篇借驪歌瀉
荔子詩從竹舉生
何事鴈門師有約
先操蓮葉赴香城

薔薇

惜春重洗舊葵斑
垣粉西南占一彎
長句再吟儲太祝

盛名遙憶謝東山薰籠半臂誰寒煖錦段全身有玦環
落落吾徒無一事只除花底便局關

四月四日學詩堂送春迎夏二律

憐汝多情四日畱惜花人悵少良儔短長亭外車生角
遠近舟前石是尤不見含桃盈餞席空攀楊柳覆芳洲
相逢只辦清尊滿何事圍碁校劣優

是日竹下圍碁賭勝

棟花風已悵無踪便借清和慰老慵三月花均貪倚檻

連朝酒國要扶筇

連困痰喘

柳枝插擔時鮮具

賣石首魚擔頭必插柳枝

蠶豆克盤異味重仰面炎皇美芹曝深杯小酌况清供

丁亥春夏之交病中即事

牡丹風候意無涯日日畱春到日斜小雨輕陰花處處

朱門蓬戶酒家家藥丸怕對流鶯轉飲子聊宜淡竹加
不分唾壺隨老驥思將眠食向誰跨

芝田先生惠米

垂垂一老任瓶儲生計非因晚歲疎正乏春衫歸質庫
為憐淋雨有傳書故人乍見疑加飭佳客能來快剪蔬
憑藉關西存北郭玉禾香已遍吾廬

青苑損惠扶病之資

為乘朝爽啟柴荆客袖薰風拂小鎗一味補屏存道氣
十分扶老仗交情當春花鳥壺觴重入夏清和步履輕
猶有袁劉河朔在急營湯液自調羹

江遜修惠汗酒一壘志謝

仲蔚蒿萊范冉塵多君遠慰索居人無才敢冀江郎錦
失喜新開卓女春汗酒文君所製五葉三楹猶未抵遜修精于岐黃傾

城名釀合相親緼袍正為花時貫不覺新成信有神
雪臯禪老以瓶菜見貽念吳旨蓄無人也

製就畦蔬佛院分芥臺香色自氤氳思招坡老偕紅飯
恍對湯師駐碧雲方法已無荆婦報贈貽空媿石交聞
坳堂舟大須彌小合十難辭二六勤

丁亥中秋

鸞尾拖雲擬勝遊碧翁無意作佐中秋誰開塵匣思懸
鏡別借銀丸類築毬味外鹹酸思綺席意中蟾兔寫黃
流青菱紅芋依然好消息餘年在酒筳

學詩堂小飲蔣紫珍先生在坐余以他適未赴

口占

小山叢桂撲秋塵處處香風引月輪欲聽一絃琴有曲
何知三徑竹無人陶潛不乏停雲句杜老終思舊雨親
况是佳時敵寒食來朝重博酒踰巡

半庵飲桂卽用前韻

幾層黃雪淨無塵彷彿書牕碾玉輪不乏盤中如棗實
恍疑花下愛驚人借右軍用金鷲蠟參世味閒時見蔗比交情
晚更親嗅得晦堂無隱處老懷何惜酒加巡

廿五日青苑集同人桂下之飲得酣字

擬將萸菊問稽含桂吐餘香又合簪誰是酒人思淡宕

本來秋色太高酣蘭亭少長今咸集竹下山王近不叅
陶徑重期賦招隱東籬秋色並淮南

學詩堂開佛手酒試新鼓催花飲之

暫却山王試舉杯老懷羞借五君開雷門送響翻新弄
金掌傳香出舊醅作意霜葩何處可無端楓錦望中來
九秋風物真難遣排日相懽月幾回

九月十八日毘耶室雅集分得簾字

黃菊含烟用意嚴杪秋猶畏庾塵黏僧依繡佛從開盞
客愛晴雲促卷簾點玉燕脂期後會克盤萊蕪索重添
一時襟抱無劉膩不見毛珠照合尖寺隣有菊一本名
臘脂點玉未開期
再訪之 此地出蘿藦相
傳生於堯基者味甚美

十九日讌集學詩堂用本姓為韻

展重陽節亦佳事上宰相書非老夫把臂思連竹溪逸
置身揆署酒家胡山樽入手他何戀竹根杯甚佳荆萼交柯
與未孤不分黃頭催舴艋偏將銀鬢惱茱萸

藕舟烹茶說餅繼以壺觴時青苑他出

秋清直訝是春濃骨盡遊絲俯太空賦餅正虛江令手
碾茶微尙宋人風無多用舊何妨妮漸次盤餐不覺豐
頻悵清尊偏兩地似分黃菊又丹楓

訪菊楊氏幽居置酒毘耶室

籬邊黃菊又茅堂位置疎疎列幾行看菊客來妨酒戶
賦詩人且就僧房青錢已乞齋厨辦紅友先呈繡佛嘗

多少朱門載花去老夫難嗅一枝香

食蟹

黃菊飛英鬪紫螯出門何地得賢豪思逢焦贛占權伯
更覓蘇髯賦老饕明月橋邊無此樂流脂塢內向誰驕
青晴袖手看饒吻一笑鯛陽左右勞

立冬前五日東郊小飲

猶餘五日是秋晴野外幽尋挈伴行細擣薑橙消郭索
遠圍楓柏戀周盈翻憐故友如克耳曹晉生漫覓新知
盡點晴相賞交情松石在汝南何事費閒評

小春十七日魯城招看木芙蓉偕青苑同賦

曾見蜀丁斲舊莖新花又報綵霞明非關太液連眉黛

直向成都鬪錦城寫遍粉垣師沒骨蘸來秋水倒盈觥

青腰玉女何須拒正共陶潛醉菊英

十八日青苑堦前晚菊次禱叔韻

麴部連朝奉急徵居然齊楚次曹滕但逢綠蟻頻中聖
重看黃花耐久朋卷白羽觴何動盪賜緋散子借飛騰
悠然更憶東籬下五斗曾經醉幾升

廿二日學詩堂盆菊口占

相思相見動踰旬風信蹉跎十月春入室欣逢些子景
縹籬思作佐小行人僧因佞佛忙於我覓言謂客慣澆
花倍有神聞道移湖安屋裏陶家三徑恍隨身

小春二十六日南樓歸自京邸肆筵合樂重祀

香山先生時華亭張醇村孝廉及里中九十二
翁羊隨庵在坐劇演琵琶各賦詩紀事

歲月遞推遷川原間朋好霜郊時送目楓錦拂青筠液
雨隨信風連陰損懷抱傳言君子堂歸客相傾倒聲華
枚馬餘經術賈董紹穆醴暫停杯元亭幸扞藻折簡遂
盤跚匡坐聆幽討是日天宇佳喚起催晴昊豈惟觴遠
人重酌香山老不改會昌春德音協山栲

銀屏列斑菊晚色何鮮鮮映帶蒼松姿倒指數羣賢誰
歟肯鳴鶴機雲共周旋此日良讌會一艤孝廉船坐有
顧悞人徵選副芳筵昔者高東嘉按曲沈樓年絳蠟忽
交光櫟社艷所傳伶倫典型在精誠兩通六戶牖闢真

氣梁塵散清絃范史感知已其事如秋煙

丁亥七十二誕日感述

選二

全無藥物助甘平歲儉如逢子午并

貨殖傳子午旱

已分山中

慳赤米猶然人世有青精傾囊未必分秬秠報玉終思
上鼎鐺換得菱絲踰鬢髮堯年虛進雉頭羹

七十二翁又履長芸生荔挺驗扶陽繙書小備雲亭數

願學初隨弟子行

二句頂首句

洛客頌中懷向秀伯牙絃上

歎虞翔狂歌秦柳相陶寫

友人填沁園春詞爲余壽

生怕唐風咏太

自和生日韻五首

選四

撒鹽纔罷日輪加穩坐黃綿賽袞華藜火杖頭權子母

竹根杯面玩隆窠染箋豪憶山無際浴硯雲生水一涯

熱釜黎祈重次第先將玉糝醞羅閣時舉黎祈會余是日亦煮芋粥

有何情緒惱人香客贈水仙但倩莊卮話則陽名釀涵波翻

太液好詩起草鼓明光無魚笑拂磻溪石如豹空聞華

子岡晉友人有裴王之約守缺保殘真狷在漫嘲衰老不成狂

始平少日豫東平容易清風竹下并每歎飲酒無人浪得名思

增一耳絕無人與點雙睛梅泉尚詡銀浮甕梅水將釐芋子

縻成玉滿鎗不是衰齡營口腹恐防丘嫂頡倭羹

刻意翻香玩玉灣恨人難點石頭頑屏風光祿猶存阮

乞米尙書記姓顏小插花枝當轉轉晚尋詩味在關關

驚心滿耳山陽笛賸得榮期玩兩間

丁亥除夕二首

高燒絳蠟坐三更重選青錢試問聲我欲嚮晨堅道力

天將除夕驗交情故人罪歲儲頻罄名士克饑畫不成

辟惡屠蘇且傳坐辦香陶葛副公評

月旦紛綸畏瞻疑諺云癡人多瞻疑掃除一室有餘師賞音不

藉鋪籃脅得味終宜展穀皮啖蔗餘齡猶漸入誦椒新

句又尋思一盂豆飯留剛氣彷彿青陽妙總持

題畫二首 以下補錄

何道此扁舟無竿自無餌橋橫遠水中人在斜陽裏

漁翁不厭漁舟窄泛盡人間閒日月江州司馬代余言

楓葉荻花秋瑟瑟

艤舟亭

一葉繫何年雲烟日奔湊恍接玻璃江照見蛾眉秀虛
亭橫古今人代遡元祐淡黃看拂掠柔櫓漾清晝咫尺
采菱溝兩兩不堪究

寒具

脆嚼金陵妙會聞數里驚不踰環餅質持聽煮茶聲十
字何須拆三刀浪有名吾家乏書畫几案任縱橫

豌豆

綠珠盈筴采盈筐童汲清泉手白湘初夏年光元麥配
殘春風景早茶嘗土人每云契豌豆茶舍桃領取三三熟苦笋兼
分細細香翻笑仙人一丸贈陳王八斗要平量

學詩堂瓶菊之飲限瓶字

同人幾度出郊坵折得秋英照畫屏恍似陶潛新菊徑
借他杜甫舊銅餅千秋卜宅思羅庾一笑疑粧並尹邢
為問聖明湖畔客可曾花底見劉伶

看東郊楊家晚菊就飲毘耶室

秋樹寒雲色漸黃野人門徑似山莊融融冶冶延佳客
葉葉花花媚小堂衡宇偶逢僧飯熟布帘吹過酒盃香
亦知繡佛憐蘇晉別有真空答上方

沈子華齋中雜題

玉真新逞道家裝斗室橫牕共葯房知道歲寒心事在
鷺黃偏鬪蠟黃香蠟梅小飲

銷得黃梅琥珀鍾小山還繞映山紅
分明火粒傾丹竈
樹樹珊瑚映雪宮
映山紅

乙亥六十初度龔琅霞先生贈詩二律依韻奉酬

寒松閱盡李桃春物外猶存古疾民
到手杯深常插羽
有天車少不需巾空煩葭管占初候
但向梅檐日幾巡
茲歲茲辰聊白哂鷗閒無意強龍馴
隨身煩惱好辭擔八十詩情六十探
世已如斯耕乏耦
人何堪此徑荒三金錢大地閒拋擲
石火中間漫請參
重向放翁談丙子輸他老學是名庵

誕日羣公枉顧口占志謝

不知清珮響茅堂慙媿吾降借寵光
對客遠思湯餅會
傾囊翻溢酒泉香顏公帖嘆頻年米
禦寇篇羞半饋漿
以上三句卽事多謝羣公存世外魯論猶復記朱張
汗漫歸來十六春
楚歸十年矣今年六十又茲辰何曾西郭
吟燈口冒盪南陽飲菊人曝背暖推重
九戌克盤蔬借
歲初辛松鱗一藉裴王賞敢比新昌呂逸人

卽事口占應若猷之索

依舊林中劉伯倫河汾見許閉關人
交深屈指經三世
年少掀眉第一人詩酒襟懷徒老健
池亭烟月自清真
杜陵柏氏山居咏又賞東臯玉樹新

憶昔花林咏桂杯
往與令祖觀察公今宮諭兩先生卅於東臯桂下分咏是爲定交之始卅

年風景却如纔老無郭錦題紈扇才羨江毫照玉臺索
喜故霑婪尾酒先春只賜嶺頭梅書窗易隔蓬山遠小
爲餘醺破綠苔

乙亥除日

不知鬚髯爲誰秋十六年前浪汭遊訝有瑤華傳蠶尾

鹿田遠寄綾幅酒資壽余

更傳細帙省蠅頭

小有抄錄學人貽余善本

烏銀倍感

團圍火青草將芟屈曲鈎隨分年光銷獨醒任渠斗酒

博涼州

此生真覺負懸弧年矢翻催一老夫抖擻雲門叅好日
模糊鵬背展雄圖綈袍好在何人戀醴酒終難且自沽
西地春聲齊爆竹禿毫調語敵渠無

又和道柔除日韻

松薪小熾靜掀騰斟酌餅花去狗蠅爲愛朱圓因剝橘
正餘芒角未磨菱一寒那有幾范叔千載何曾兩李膺
除到無除貞下起燭枝先報上元燈

丙子元旦

用道柔起句

八斗又遇歲朝春花甲纔週再起旬且聽騎驢談甲子
重繙司馬玩周秦賣殘書只留餘味摘得花新當好姻
曼倩占人逢上甲時豐酒辣自相親

學人携酒招同道柔長卿過三蘿奇山草堂看

梅卽席限梅花二字

怕有新香點舊苔繁枝寂寂向人開可無白玉一杯酒

來看青山五樹梅東閣尚追詩老在西施休作鳩人猜

時烹高吟定博徐陵賞穩看陰何嗣玉臺玉臺新咏
備載梅詩

宿麥難抽越陌斜暖雲開處太晴些行厨故愛賓為主

禁體應將雪作花紫燕風迴宜酒坐綠楊烟重帶天涯

學人北轅南村北郭何年遂長對仙人萼綠華

丙子三月寄京邸六首 選二

閒庭獨夜看階符野老何關策杖扶但使蒼生有環堵

幾曾青眼只窮途塵泥身世於陵傳臺閣文章豁落圖

回首西江舊賓客春風應不斬菰蘆楊芝田 未謂令
兄陶雲先生連影

閣中

紀程久已重新評咏雪遙傳禁體清絕勝梁王召枚叟

重緝潘岳赴周京秋風夜雨江黃國古劍青燈十五城

果否白雲溪上約苔花春水放船輕楊鹿田

莊氏餞席送錢崑河北上

櫻朱染指話勻圓又著離情上柳綿對酒記難歸院燭

題名重鼓泛湘絃新茶半醖頭綱味芳草連天首夏篇

此去賢聲嗣韋相故人休作令狐傳

季有章以門神詩見示云和錢亮功都門所咏

憶余往歲借亮功賦歲事詩此題居一見賞於

董易農侍御不勝懷舊之感今兩公又失意棘

闡者時客澄江卽事有述

往吟風土紀年華戶尉門丞借齒牙詩老攜箋常出袖

才人把筆又生花清新漫羨誇三捷敏妙應知並八叉
我比寒蟬方寂歷隔垣佳咏慰天涯時與有章
比隣作客

聞鑿出多費苦吟鈞天容易覓知音十年鼓瑟思錢起
片語兼金得季心壓案紫螯誰共把笑人黃菊自幽尋
京華下里都無謂且合將詩細細斟

丙子六十一澄江初度

梅花筵上放舟行又趁河豚為客烹老婦經秋增末疾
穉孫迎臘拜先生不知茅舍何心戀其奈浮雲到眼輕
六十一年思罔極故園風景易關情

蒲柳曾深欵竹情去年今日待詩成諸君待
余倡韻全無席帽

吟詩興澄江席
帽由人不過柴桑乞食行破篋殘書銷客睡故

人新黍過侯鯨王蘿道
柔餉米海魚身世原聊爾歸向昌黎覓

盛鳴

臘八粥

顏公乞米飯無期摩詰因年粥自怡爛煮莫催過肉食
有噴相餉愛補糜併添萊菔銀絲嫩細攪蹲鴟棘七宜
敵得防風誇白老莫因三戍限朝炊

曹三蘿招司楊願齋莊玉川雲湘唐靖元梅下

之飲拈陽鹽二韵分賦

歷亂繁香亞粉牆中庭五樹占春陽花原有意教重到

前度主
人他往酒為無疑不用嘗故向散盤迷紫綠痴看胡蝶

逞衣裳二句
即事新知舊好皆懽劇記得長聯醉後牀

酒煖香濃試卷簾索花微笑幾巡簷常畱琥珀浮杯面

豈憚芒屨望塔尖歸塗望塔吏部閒眠終賞畢成都有易怕

詢嚴玉川精京房之學那能排日尋芳去轉眼新丸翠着鹽

玉川招同曹氏看梅諸公讌集仍用陽鹽二韻

遊絲永日自悠揚輪作東君賞載陽地勝竹溪人不改

才方銅爵斗難量三蘿詩先成醒憎世味聊成醉老為閒情

未減狂約略襟期深淺酌阮家大小詎能忘

豈辭經戶且掀簾自許餘生莫自嫌味美已拚叅玉版

興酣何憚聒烏鹽不吹畫角梅初落漸掃蛾眉月又纖

取次城東搖艇子柳烟深處颺青帘

雲湘書齋三色梅下同人小集仍用前韻

短短奇葩四尺強殷紅淺碧小山陽人閒自選青苔古

蜂鬧翻增白晝長不醉那禁正二月此生還種兩三行

無端分去聲日聯尊酒為有枝頭耐久香

淨几匡牀不下簾海棠銀燭夜厭厭歸貪做絮朝眠穩

醉惜香泥醒眼添佳候每嫌人契闊芳筵難得政清嚴

君家缸面椒花勁小釘何妨一味鹽

清明玉川雲湘携酒殺借子方蓀服過三蘿青

山別業四用前韻

一籬花色勝河陽似火如荼引老狂濠上魚仍忘爾我

竹林人已削山王東風御柳詩誰賞北郭青山酒對嘗

入手今朝天氣好不辭進艇玩年芳北城門日青山用李句

朋好祗應膠共黏桃花如燒柳絲織杜陵不厭傷多酒
符朗難分未熟鹽自昔繁華矜賜火及今遊衍弄明蟾
銀髭笑我無多撚銷得深杯幾番拈

餅花會長詩 小引

友人連舉瓶花會予已成會約十截句紀其事舊
好新知懽然無間客不限位多止六人同時以會
長見推老友張尹生篆成私印頭銜得無過乎不
揣馬齒作瓶花會長詩余將歸老是鄉矣肯畏新
花莞爾哉簡知我者不必遍呈

少年不作河陽縣金谷豪門無讎餞老大遙師郭橐駝
柳州官理何歆羨薄遊江海三十年歸來四壁增蕭然

硯田拋却事花酒下顧黃口滄浪天萬態浮雲不堪數
閉關人契河汾語問年七十又加三絳老逢花具賓主
一城花選一瓶中一瓶花得五君同移山移湖亦無謂
移取名園奪化工醉鄉自昔無畦町溪邊竹下紛花影
更携鄰女復鄰翁洗粧碧井牽修綆清河老人鍊筆豪
置我上古危乎高盤盂鐘鼎列寸石不繫肘後黃金條
負郭何時秫二頃妾婦羞稱六國印壓遍紅泥九萬箋
適意詩篇排日咏故人情語尙從容落落乾坤賸乃公
釀王麴部相須在領取叢花一萬重

瓶花會約十絕句

折芳

金谷賓朋亦等閒
平泉樹石漫無關
逢場盡洗雙銀海
一朶新花十二鬟

六逸

隨地徂徠舊竹溪
酒乾坤借易爻
齊陶潛小寄篇篇有
不着山王不阮嵇

卜畫

記取陳完舊致詞
醉花當畫復奚疑
何曾繞砌燒銀蠟
不記朱門睡起遲

自斟壺

我是壺公爾最親
與君瀟酒不分身
良工用意嗚嗚代
一隻成宜兩可人

山館吟

枯碁會計

閣起文楸舊置枰
唱籌減甕各縱橫
杯中也有周天數
要與江公備酒兵

紅豆玲瓏

綠衣郎鬪賜緋人
點漆施朱別樣新
撒入青青梅子色
賞心菱翠已流津

指口

老去逢人學戒心
孫登鸞鳳誤鴟音
蕭侯未必文無害
一任曹參滿淺斟

下箸虛實之間

秀色原宜味外嘗
脯蔬時帶栢松香
開尊略掃荒寒氣

醒酒冰堪乞一方



不借

草屨寧符瑪瑙鍾花前
僊倖一從容青州從事休
及莫是邯鄲誤魯共

佳茗似佳人

不斷茶烟幾縷斜松風
庭院似陶家花香月色
參無際到得微酣憶着他

香草堂詩鈔卷五終



香草堂詩鈔卷五

五

理